

YANGI O'ZBEKISTON

Ijtimoiy-siyosiy gazeta

№ 81 (1142), 2024-yil 27-aprel, shanba



www.yuz.uz



yuz.uznews



yuz_official



yuz.uz_news



yuz



PREZIDENT QARORLARI — HAYOTDA VA NAZORATDA

TEMIR INTIZOM — BARQAROR RIVOJLANISHNING ASOSIY TALABI

Har bir inson ishda muvaffaqiyat qozonishni, oldiga qo'ygan maqsadlariga erishishni xohlaydi. Lekin hamma ham bunga birdek erishavermaydi. Chunki katta-katta maqsad va rejalarimiz amalga oshishi uchun xohish va istaklarimizning o'zi yetarli emas.

Bu har birimizdan bilim, salohiyat, tinimsiz izlanish va albatta, tartib-intizomni talab qiladi. Aks holda, maqsad mohiyati o'zgarib, orzu yoki shunchaki shirin xayolga aylanadi.

Muvaffaqiyatga erishgan insonlar, sizga tanish oilalar yoki kompaniyalar faoliyatiga nazar tashlaydigan bo'lsangiz, buning siri aql-idrok bilan bir qatorda tartib-intizomda ekanini ko'rasiz.

Davlatlarning muvaffaqiyati, katta-katta maqsadlarga erishish siri ham shunda.

Aytaylik, O'zbekiston 2030-yilga borib, aholi jon boshiga to'g'ri keladigan daromadni 4 ming dollardan oshirib, daromadi o'rtachadan yuqori bo'lgan davlatlar qatoriga kirish maqsadini belgiladi. Unga erishish chora-tadbirlarini ishlab chiqdi. Ushbu maqsadga erishish ko'p jihatdan bu borada belgilangan vazifalarning sifati va o'z vaqtida bajarilishiga bog'liq. Boshqacha aytganda, ijro organlarining temir intizomiga.

Davomi 2-betda

Xushxabar

“O'zbekiston AQSHning intellektual mulk bo'yicha qora ro'yxatidan chiqarildi”.

Bu xushxabarni mediamakonimizdagi navbatdagi yangilik sifatida o'tkazib yuborib bo'lmaydi. Chunki birgina shu jumla ortida yillar davomida qilingan ishlar samarasi, iqtisodiy barqarorlik sari tashlanayotgan dadil qadamlar o'z ifodasini topgan. Uning ahamiyatini teran anglash uchun, avvalo, intellektual mulk nima ekanini haqida tasavvurga ega bo'lishimiz kerak.

INTELLEKTUAL MULK HIMOYASI

O'ZBEKISTON

“QORA RO'YXAT”DAN CHIQDI

Mamlakat taraqqiyoti juda ko'p jihatlariga bog'liq. Shunday sabablarni sanaganda, birinchilardan bo'lib malakali kadrlarni eslaymiz. Haqiqatan, o'z sohasining ustasi bo'lganlar davlat va jamiyat rivojining asosiy kuchidir. Buni ortiqcha izohlash shart emas, nazarimda.

Ayni paytda malakali kadrlar mamlakatning intellektual salohiyati hisoblanadi. Intellektual mulk insonlarning ijodiy-aqliy faoliyati mahsulidir. Deylik, kimdir bitta kichik texnikani

kashf etdimi, uni duch kelgan kishi ishlab chiqaravermasligi kerak. Aks holda, tartib buziladi. Asl ilming egasi chetda qolib, yangilikni o'g'irlab, o'zlashtirib olganlar ko'proq foyda ko'ra boshlaydi. Oqibat biznes, ishlab chiqarishda ortga chekinish kuzatiladi. Sabab oddiy, ishbilmon uchun kashfiyot qilish yoki uni sotib olishdan ko'ra o'g'irlash oson bo'lib qoladi.

Davomi 2-betda

Milliy kontent

HAQIQATNI YOLG'ONDAN AJRATISH YO'LI

YOXUD DAVLAT FUQAROLIK XIZMATIDA MEDIASAVODXONLIKNING AHAMIYATI

Mediasavodxonlik — mediaaxborotni samarali boshqarish, tahlil etish, tanqidiy baholash hamda mediaaxborot muhitida faol va samarali muloqot qilish imkonini beradigan kompetensiya. U insonga televideniye, radio, gazeta, jurnal, veb-sayt va ijtimoiy tarmoqlar kabi turli manbalardan olingan ma'lumotlarni to'g'ri talqin qilish, filtrlash va foydalanish bo'yicha bilim, ko'nikma hamda malakalar beruvchi majmuani taqdim etadi.

Bugungi sharoitda mediasavodxonlik turli muammolarga duch kelmoqda. Ulardan biri raqamli madaniyat axborot-kommunikatsiya normalari o'zgarishidir. Shu o'rinda mediasavodxonlikning davlat boshqaruvidagi o'rni yanada oshib borayotganini aytib o'tish lozim. Chunki aynan mediasavodxonlik raqamli asrda jamoatchilik va turli manfaatdor guruhlar bilan samarali aloqalar hamda muloqotni amalga oshirishga yordam bera oladi.

Bugungi raqamli ekotizim mediasavodxonlik borasida murakkab vaziyatlarni ham yuzaga keltirmoqda. Xususan, soxta yangiliklar tarqalishi, ma'lumotlarni manipulyatsiya qilish va algoritmik dizaynlardan foydalanish ma'lumotlar to'g'riligini tekshirishni qiyinlashtirmoqda. Bundan tashqari, yopiq jamoalar va filtr pufakchalari paydo bo'lishi samarali



muloqot va fikrlar xilma-xilligiga salbiy ta'sir ko'rsatmoqda.

Masalan, onlayn tarmoqlar va muqobil mediaplatformalar dunyo bo'ylab nafratlanuvchi guruhlar paydo bo'lishiga olib kelyapti. Bundan tashqari, raqamli makonlarda kommunikatsiya tezligi ko'plab muassasalarning imkoniyatlaridan ancha yuqori.

Zamonamizning eng katta ijtimoiy va fuqarolik muammolari — migratsiya, iqlim o'zgarishi, global bozorlar ham internetda, ham ommaviy nutqda vahima uyg'otuvchi axborotlar sifatida ommalashdi. Siyosiy memlar AQSHda 2016-yilgi saylov paytida alt-right (muqobil o'ng) harakati boshlanishiga olib keldi. Reddit forumi asosiy ommaviy

axborot vositalari orqali xalqaro maydonda xayoliy yangiliklarni yaratdi va tarqatdi. Bundan tashqari, Prezident tvitarini hozirga qadar kundalik milliy va global ommaviy axborot vositalari kun tartibini belgilashda davom etmoqda.

Davomi 3-betda

Yangicha yondashuvlar

MINTAQAVIY AXBOROT TEXNOLOGIYALAR XABI

USHBU MAQSADGA ERISHISHDA XALQARO HANMKORLIKNING O'RNI

Ayni paytda yurtimizdagi zamonaviy axborot texnologiyalari parklarida minglab startaplari ustida ishlanyapti, malakali dasturchilar tayyorlanmoqda.

“O'zbekiston — 2030” strategiyasini “Yoshlar va biznesni qo'llab-quvvatlash yili”da amalga oshirishga oid davlat dasturida raqamli texnologiyalarni rivojlantirgan holda mamlakatni mintaqaviy axborot texnologiyalar xabiga aylantirish uchun qator vazifalar belgilangan. Bunda axborot texnologiyalari parki eksport qiluvchi rezidentlari sonini 200 taga oshirish, jumladan, xorijiy kapital ishtirokidagi kompaniyalarni 30 taga ko'paytirish, kompyuter dasturlash va outsourcing xizmatlari hajmini 10 trillion so'mga va ularning eksportini 800 million dollarga yetkazish maqsad qilingan.

Dunyo tajribasida ilmiy tadqiqotlar, zamonaviy axborot texnologiyalari, startap g'oyalari, kompyuter savodxonligiga juda katta e'tibor beriladi. Shunday ekan, iqtisodiy taraqqiyotga erishish yo'li faqatgina ilmfan yutuqlari va yangi texnologiyalar orqali bo'ladi.

Axborot texnologiyalari parklari esa mana shunday maqsadlarni o'zida mujassam etgan. Axborot-kommunikatsiya texnologiyalarni rivojlantirishning muhim shartidan biri mana shunday dasturiy mahsulot va raqamli xizmatlarni taqdim etish uchun qulay shart-sharoit yaratish, ularni ichki hamda tashqi bozorga olib chiqish, innovatsion ishlanmalarni rag'batlantirishdir.

Davomi 3-betda

“TURON” KUTUBXONASI VA AKBARBEK DOLIMOV



5

ONA ZAMIN NE'MATLARI

104 TA XOSIYATGA EGA DARAXT

yurtimiz tuprog'ida qanday ildiz otyapti?



Zaytun eng qadimgi daraxtlardan biri. Arxeologik qazishmalar uning 20-40 million yillar oldin O'rta yer dengizi sohillarida o'sgani, bundan 7 ming yillar muqaddam hozirgi mevali turi paydo bo'lgani va miloddan avvalgi 3150-1200-yillardan maxsus ekila boshlaganidan guvohlik beradi. Zaytungacha doir bir-biridan maroqli ko'hna rivoyatlar ko'p, muqaddas kitoblar, xususan, “Avesto”da ham uning mo'jizaviy xosiyatlariga oid bitiklar bor.

Abadiy yashillikka yuz tutgan, ya'ni yilning to'rt faslida ham yaproqlari sarg'ayish neligini bilmaydigan bu daraxt o'rtacha 500 yil, ba'zilar 1500 yil va undan ko'proq ham umr ko'radi. Turkiyada “Ota” deb ataluvchi zaytun daraxti 32 asrni, Gretsiyaning Krit orolidagi zaytun 40 asrni qaritgan bo'lsa, Falastindagi turdoshining yoshi ma'lumotlarda qayd etilishicha, taxminan 5000 yil atrofida. Hozir ham uning qarilikkidan to'zg'igan shoxlaridan chiqqan yashil novdalari 250 kvadrat metrga egallaydi, bo'yi 13 metr. Tomirlari undan ikki barobardan ko'proq chuqur yerga ildiz otgan. Bog'bon Abu Alining aytishicha, ushbu zaytunning mevasi ilgari yiliga yarim tonnagacha moy bergan, hozirga kelib 250 kiloga tushgan, lekin sifati jahondagi har

qanday turdoshi mahsulidan yuqori turadi.

— Dunyoda iste'mol qilinadigan o'simlik yog'lari orasida inson organizmi uchun eng foydalisi va sifatli deb tan olingani zaytun moyidir, — deydi qishloq xo'jaligi fanlari doktori, professor Dilorom Yormatova. — Chunki u o'z kimyoviy tarkibiga ko'ra, ekologik toza va inson hayoti uchun zararli moddalar saqlamaydi, salomatlikni mustahkamlaydigan 104 xil element mavjud. Oson hazm bo'lishi, ona sutu tarkibidagi moddalarga juda o'xshashligi bilan ajralib turadi. Shu bois, qadim zamonlardan buyon tabiblar, jumladan, buyuk hakim Abu Ali ibn Sino ham undan ko'plab xastaliklarni davolashda foydalanган.

Davomi 4-betda

TARBIYANING ENG AVVALI VA AFZALI

MUTOLAAGA MUHABBAT UYG'OTISHDIR



6

